

鷄峯普濟方卷第二十五

馮翊賈蕪重校定

雜治

大効紫苑元

唐明皇帝勅錄下臣寮奏過療小腸難治之疾臟腑積聚
之冷疾癖氣塊大如拳掌亦如桮椀及黃疸病朝起嘔吐
上攻心膈兩肋分痛脹徹連甲脊痛无休息常時遶臍九
種心痛五淋五痔及胃口閉塞吐逆飲食積年不消及婦
人斷續多年又療一切諸風身躄頑麻不知痒痛半面浮
疼眼目冷淚遍身如錐刀所刺眉毛墜落面上生瘡遊如
虫行莫知所有或手足煩熱或夜卧不安療小兒七十二
種風及二十五種驚癇男女夜夢鬼交四肢无力沉重飲

食无味昏昏似醉只欲求死真如鬼魅終日憂煩不樂悲啼歌哭並不依常月候不調或多或少時似有孕連年羸瘦在床漸困而致命終但服此藥无不痊愈

紫苑

人參各式兩

巴豆

醋煮去心膜研

肉蓯蓉

吳茱萸

菖蒲

乾薑

白檳榔

當歸

防風

茯神

桔梗

車前子

川椒

烏頭

炮去皮臍

豬牙皂角

去皮了塗酥炙各壹兩

白朮

漢防已

柴胡

羌活

麥門冬

甘草

各壹兩壹分

黃連

厚朴

乾地黄

茯苓

大黃

各壹兩半

肉豆蔻

叁分

右二十八味各依法修制末爲末煉蜜爲元如梧桐子大
每服空心五元茶酒或熟水下當宣三五行不定以溫
粥止之小兒臨時加減此藥臣兄因墜馬天陰即痛羸
瘦在床不能飲食命在須臾日服五元至月宣下一片
如菜菜大白膿水一升許已安臣又見主簿陳勝妻又
患心痛羸瘦在床氣急心懸飲食不下日服五元十日
取下青虫六十四个大如筋頭又出膿水三升已来自
後漸安臣妻先患癖氣塊服此藥十日每日五元出白
虫一條有頭尾下膿三升已来又出青黃水三升其病
自愈臣又見功曹長孫患腰脚着床經年每日五元至
二十日出蟻娘五个又出青黃水二升已来其病自愈

臣有師張意困在床枕食即便吐命在逡巡每日五元
至半月出似蝦蟇虫五个又出清水二升已來其病自
差臣妻又常患宿冷病發便欲死日服五元出肉蛇三
條長三尺各有頭目遂使人用刀破腸腹乃是頭髮三
條其病自後平愈臣見多有太風疾眉毛墜落已及三
年身上生瘡疼如刀割日服五元至半月出五色癩虫
三升已來當時平復部內有縣令妻又患帶下絕嗣多
年服至半月出酸水一升又似鷄肝黑血五升已來自
後有孕及生子數人台州王推官可道患太風疾二周
年眼見得効又剡縣監酒王奉議妻又患諸藥不効是
時冬月取青黃水三升第十四服取下韭一團尚自青

色如新至十五日取下白虫狀如指甲面闊長一尺三條自後平愈

接骨丹

治男子女人骨節疼痛起止不得腎臟風毒下注

瘡癬痒痛不可忍者口面不正脚膝无力只可五七服立

見功效

校定接骨丹用川烏頭草烏頭當令炮過微裂不可過熟用

騏驎竭

沒藥

骨碎補

各壹兩

自然銅

津兩

海桐皮

狼毒

沙苑蒺藜

川附子

新羅白附子

天南星

何首烏

仙靈脾

川芎

羌活

川烏頭

各壹兩

虎頭骨

津兩

地龍

牛膝

天麻

草烏頭

乳香

防風

各壹兩

青鹽

赤小豆 各肆兩

右為細末酒煮麵糊為元如梧桐子大每服十五元茶酒任下空心臨卧各一服此藥能治水臧及冷及婦人血風瘦弱常服助筋骨輕利氣血衝壯手足冬月不冷

大黃散治百種毒

大黃 瞿麥 白乾葛 牛蒡子

地骨皮 蒼朮 各壹兩 升麻 大青

芍藥 赤者 枸杞子 當歸 芫藤

黃芩 黃連 連翹 羌活

青皮 鬱金 芎 桑白皮

甘草 牽牛 黃者 荆芥穗 各式兩

右為細末每服一二錢生薑自然汁調下食後臨卧服

无憂解毒元解諸色毒

校定鳳髓不知為何物疑是草名
重校定鳳髓乃鳳眼草

藍根

藍花

藍菜

茯苓

茯神

土馬驢

小茵陳各壹兩

藍子

伏龍肝

鳳髓

大黃各半兩

甘草

薄荷

乾葛

貫眾各貳兩

大豆壹合生

蛇黃壹對生

寒水石肆兩

龍腦

麝香各少許

右為細末搗糯米者粥為元如彈子大青黛為衣取乾
每服一元含化嚥津大段熱者蜜水化下

活絡丹去風活血止骨節疼痛

穿山甲半兩

白芷

細辛

藁本

白殭蚕

石膏

藿香

木鱉子

骨碎補

荊芥

天麻

天南星

乾蝎各壹兩

大赭石貳兩

羊蠟蠟

麻黃各壹兩半

草烏頭春拾式兩冬壹斤秋夏各半斤

右為細末煉蜜和元如彈子大每服嚼二元荊芥湯下

不以時

生木炭湯 消食和氣

生木炭

壹斤不計个数去皮穰秤於沙盆內磨肉并將水

生薑叁兩去皮沙盆內同磨

鹽陸兩炒

甘草叁兩

肉豆蔻壹分

益智子仁叁銖

白芷

丁香

桂

縮砂

檀香各叁銖

右為細末与生薑木瓜塩同研勻令得所以乾淨均罐
子盛之旋旋以白湯點服每用匙輒不得犯生水可收
三二年

犀角散 治咽喉毒氣結塞疼痛下湯水宜服

犀角屑

沉香

馬牙硝

鷄舌香 各壹兩

木香

薰陸香

甘草

黃芩 各半兩

川升麻

射干 各叁分

射香 壹分

右為麋末每服三錢水一盞入竹葉二七片煎至六分
去滓温服不以時

保靈丹 治蠱毒及一切藥毒

硃砂 壹兩

麝香 叁分

斑猫 壹分去頭炒令半熟

巴豆

式分去皮 不出油

雄黃

黃丹

各壹分

蜈蚣

兩條壹炒 壹生用之

苦菜子

續隨子

生用各壹分

山大豆根

壹兩

右十味修制了同入乳鉢研勻五月五日午時或九月九日合之忌鷄犬婦人見用糯米稀粥為元如七斤魚目大有中毒者先覓脇肋脹滿攻心腹疼更令人嚼黑豆聞香即是毒將發此藥一元入門病人先聞香氣來逼亦其驗也今以无粉茶下一元不得嚼斯須患人必言頭如拽皮片斷声相次毒物便下或自冒鼻或自大便中出毒嫩即是血毒老則成瘻魚兒蜣螂等諸雜蟲毒帶命之物及凝血必畏其藥下却以水洗淨收之一元

可治男子五人婦女三人无問何毒服之便解如卒中諸毒若蛇蝎并馬汗一切水中之毒但以好醋磨塗在傷处立解病人既差如知用毒之人不可論訴恐更害人愈深忌酒肉毒食一月惟喫薤羹淡軟飯佳

荆瀝湯

治諸風疾有熱者及風痙疾

牛黄 伍分

人參

麥門冬

各式兩

升麻

鐵精 各壹兩

龍齒

天門冬

茯苓

梔子仁 各式兩

右除牛黄鐵精外為鹿末每服五錢水一盞半入竹瀝一合煎至一盞去滓入牛黄鐵精各炒一字調勻温服若忽尔搖頭口噤背強直如發癩之狀此由風邪乘虛

客於足太陽之經訖其脉緩散而遲者善其人本虛風邪日久而發謂之風痙其脉三部俱洪數者由蘊執搏於諸陽之經甚則日夜數十發正所謂熱則生風亦名曰痙如斷齒大便不通者名剛痙風痙宜荆芥豆淋酒食前當歸湯風痙宜龍膽湯剛痙宜大承氣湯

橘紅湯 快氣消食

鹽 式兩

黃橘 津兩

生姜 半斤

甘草 式兩

神麴

大麥蘖 壹兩

草豆蔻 壹兩

右七味拌勻同罈一宿焙乾搗羅為細末白湯點執啣之食後

和中湯 調適陰陽通流榮衛養脾胃進飲食治脇肋脹

滿止嘔逆惡心

白朮 肆兩

橘皮 黃者

厚朴 貳兩

人參

茯苓

甘草 壹兩

右為細末每服三錢水一盞煎至七分溫服用生薑煎

空心下

靈美湯 和養脾胃

大小麥 各半升 炒黃

甘草 貳兩 鹽 肆兩

乾生薑 陸兩 肉豆蔻

草豆蔻 各兩

右為細末每服二錢白湯點服不以時

食栢聖餅子 消草毒和脾胃

大豆

大棗 各壹升

白茯苓

貫衆

甘草 各貳兩半

右除棗肉外為末後以棗肉和勻如乾入少者棗水和之捻作餅子如錢大每一餅子分作四口十餘日外分作六口餘分作八口止百日或經歲則不必藥自可以食餘但一切草菜皆可服食如在路人家遠有飲食未及只服藥一兩餅子飢亦止及臨卧服一兩餅能縮小便服藥後不可飲煎湯只飲冷水

杏仁元 取寸白虫

杏仁 貳个 生用 皂礬 半斤 火燒 紅用之

南粉 半斤 朱砂 壹斤

砒霜 壹斤 半生用

右件五味為末研勻以湯浸饑餅和元如粟米大每服

一元水一盞同菠稜或蒿苣同煎以水濃為度臨卧温服翌日取下虫切忌熱物如覺心頭悶乱即以宿饑餅厭之

鼓子花散 神仙變白為黑方

深色鼓子花 壹斤

白芷

秦椒 各半斤

肉桂 壹兩

熟乾地黄 貳兩

右同為細末每日空心粥飲調下五錢以食厭之服月餘日則白變為黑若人不信但以白羊將此藥拌草喫不過三二十日乃變黑羊也

止汗散 治諸虛不足汗出不止

牡礪 叁分

白朮 壹兩

白芷 壹分

甘草 壹分

防風 半兩

右為細末每服二錢煎水調下不以時

神仙煎 烏髭治虛三元節日合之尤佳

茯苓

枸杞子

菊花

生地黄

杏仁 各肆兩

右為細末酒蜜麵糊和元如梧桐子大每服三十元空

心温酒米飲皆可下

除邪丹 博濟第六名臟邪丹 治諸疾

漏蘆 壹兩

乾薑

附子 各壹兩

巴豆

叁兩以水一椀煮盡就炒作聲再用河水浸柒日去皮取肉去油尽只秤壹兩

右件除巴豆霜外搗為細末同巴豆霜研勻每一料用

靈砂一字同研勻又名劄丹以水煮麵糊為元量人虛實大小元之用橘皮湯下不入靈砂謂之臆邪丹如新合成只服一元藥舊則加數元產後婦人亦可少服治百病

近侍湯和脾胃

縮砂仁貳兩 丁香壹分 甘草叁分 鹽壹兩

右為細末每服二錢白湯點服

洞庭湯和氣

橘子壹斤和皮秤 甘草 生薑 鹽各肆兩

右四味一處搗爛作餅子火上焙乾為末每服二錢白

湯點服

香棖湯行滯氣

綿棖拾个細切去子生甘草同棖淹壹宿

鹽各叁兩

白檀壹分

右用木臼搗為細末每服二錢白湯點之不得犯鐵器

道合湯健脾胃進飲食

削朮壹斤米泔浸壹宿控乾隔帅炒

甘草

白鹽各陸兩

椒子壹百貳拾粒隔帅炒於淨地帅上攤之用椀蓋之

右件合搗時須要念道合道合四十九聲一搗一念數足即不須念每服二錢薑棗煎至七分點服亦得

磁石元脫肛方不問新舊

磁石肆兩好者桂貳兩

猬皮壹枚

右爲細末湯泡饊餅和元如梧桐子大每服五十元空心食前米飲下日二服候服藥了喫食罷腹中稍空即用後法洗日再

新生鐵

右以水一斗煮取汁五升微熱淋洗至夜臨卧時再淋洗一次了用後按之

鱉頭一枚

自死者燒成灰

右爲細末摻凸出肛門上灸舊履底以按尉之令入永不出

化鐵丹

誤吞物在喉中不下者

管眾

赤茯苓

各半兩

道人頭

壹分

右搗爲細末每服一錢新水調下如是已吞下更用鷄子清調藥即隨大便下

龍砂湯和氣

縮砂仁貳兩壹分

甘草

鹽各壹兩半

右將甘草同鹽炒候甘草黃熟取出寫在縮砂上即以盞枕蓋之候冷同爲細末湯點二錢

真一湯和胃

大麥

小麥拾壹升

右二味淘洗淨炒黃取麪各四兩用生薑半斤取汁和成餅子焙乾入炒甘草二兩肉豆蔻二箇麪裹煨熟同爲細末入鹽點服

瓜蒂散 治首膈停滯

瓜蒂 赤小豆末 各等分

右二味研勻熟米飲調一錢羸人服半錢得吐即止

治耳聾方

菖蒲壹寸 巴豆壹粒去皮心 一方巴豆與菖蒲同等分

右二味合杵分作七箇綿裹塞耳中日一次易

六一湯 和胃氣

白朮陸兩 甘草壹兩

右二味為細末每服二錢沸湯點之

廣濟療蛔虫方

酸石榴皮東引入土伍寸者切式升用

檳榔柒个

右二味以水七升煮取二升半絞去滓着少米煮稀粥
空心食之少間虫必死快利効无忌

遠志膏解烏頭天麻附子毒

遠志

乾防風各半兩

右為細末用飴糖半斤同熬成膏濾去滓每服彈子大
一粒含化食後臨卧服之

乳香散治肉刺久不差

松脂

乳香各錢貳

右同研細先用針刺破以藥傅之密封即差

解藥毒方

右以蚕退燒灰細研每服二錢冷水調下雖面青脉絕

腹脹嘔血服之即活頻服即差

治骨梗方

右先面北取氣一口飲氣於水枕內默寫龍字令人細呷之

治湯火燒法

右用寒水石不以多少研細新水調塗

治蛇傷法

右以雄黃研細傅瘡上

治下脫不收等雜方

治下脫不收

右以紙撚子任鼻內一嚏即止

治脫肛

管衆

朴消

橘皮黃者

右等分同爲麈末每用五錢煎湯淋洗

治鼻血不止

右以小便盆內刮人中白爲末乾研入麝香少許男左女右着鼻內

又方

右綿裹驢糞塞耳內

治虫入耳

右用桃菜塞之出

治蜈蚣入耳

右用炙猪肉掩之出

治油蜒入耳

右炒麻子以葛布盛側耳枕之出或用牛乳清油灌之

潤膚膏治皮膚風熱生瘡麻痺赤色

槐花末 松脂 黃蠟各貳 黃栢末壹分

白礬半分 乳香少許 膩粉叁厘

右以清油三兩先煎令沸次入松脂候消即入黃蠟候
鎔消即入槐花黃栢白礬乳香膩粉攪勻收入坩器內
塗瘡上

雲母膏治諸般瘡癰

雲母粉 硝石 甘草各肆兩 槐枝 栢葉

柳枝

桑白皮各叁兩

桔梗

防風

桂

蒼耳

菖蒲

良薑

黃芩

柴胡

厚朴

松脂

吳椒

芍藥

龍膽草

白芷

白斂

白芨

黃耆

芎藭

茯苓

夜合

附子

鹽花

人參

當歸

木香

麒麟竭

沒藥

麝香

乳香各半兩

陳皮壹兩

黃丹拾肆兩

清油肆拾兩

水銀貳兩

右件藥除研者藥外並剉如豆大用上件油於坩器中浸所剉藥七日以物封閉後用文火煎不住手攪三上三下每上候匝匝沸乃下火候沸定再上如此三次候

白芷附子之類黃色為度勿令焦黑以綿或新布絞去
滓却入鐫中再上火熬後入黃丹與藥八味以柳篦不
住手攪直至膏凝良久色亦變再上火熬仍滴少許水中
疑結不粘手為度先炙一坩器熱即傾藥在內候凝如
人躰溫熱彈水銀在上每用膏藥先刮去水銀

花蕊石散

治折傷內損等疾

花蕊石

壹斤

硫黃

肆兩

右二味相拌勻先用紙筋和膠泥固濟瓦罐子一箇內
可容藥候泥乾入藥內密封泥口了焙籠內焙令透熱
便安在方磚上磚上書分封字五行用炭火一秤籠壘周匝自午
時從下生火漸上徹有墜下火旋夾火上直至經宿火

冷炭消盡又放經宿罐冷定取出細研羅極細坩合內
盛依法使用

雄黃散治新久癬瘡

雄黃貳兩 白礬貳兩 歷青壹兩 輕粉壹兩 血餘許

右為細末菜油調塗之先用葶藶汁洗了揩乾用藥

蘇乳湯解渴生津液

紫蘇葉壹兩 乳糖肆兩 甘草叁兩 鹽貳兩

烏梅貳兩 生薑壹兩

右將烏梅甘草紫蘇為末先以薑絲拌次入糖用坩器
收點之水亦可

金粟散治肺熱

白朮

芍藥赤者川芎

當歸各壹兩

右為麁末每服二錢水一盞入粟米百粒棗一枚同煎至六分去滓食前溫服

燒肝散治筋脉疼痛四肢倦怠

附子

肆兩炮去皮臍切片子以生薑汁半斤慢火煮汁盡焙乾用

縮砂壹兩

肉豆蔻

川椒各半兩

茴香壹分

右為細末每服二錢先以羊肝四兩切作片子去筋膜然後入藥并葱白鹽醋各少許同拌勻以荷葉濕紙裹於塘灰中燒令香熟喫之了後用溫酒厭之

苦參散洗瘡藥

苦參

漏蘆根

蒺藜

楮莖葉

各壹兩

枳實參錢

右為鹿末以漿水二盞煎至一盞以綿沾日八九訖以

粉拭

天門冬元治鼻塞

天門冬壹兩

防風

茯神各參分

川芎

白芷 人參各半兩

右為細末煉蜜和元如梧桐子大每服二十元食後臨

卧熟水下

妙効膏治疥癬

槐花半兩 歷青 黃蠟各壹分 白礬 乳香

輕粉各壹錢 清油貳兩 蛇脫壹兩

右為細末將油蠟青三味銷鎔後入餘藥攪勻用擦之
團參散補氣生津

白朮

人參

五味子

各半兩

甘草

壹分

右為鹿末每服二錢水一盞入生薑二片同煎至六分
去滓溫服不以時

蜜陀僧散治新久瘡疥

蜜陀僧

壹兩

膩粉

乳香

各壹兩

麝香

壹字

右為細末先以甘草湯浴瘡楷乾然後用少許貼之

醉仙散治大風疾遍身生瘡

胡麻子

牛蒡子

枸杞子

蔓荊子

已上炒
黑色

白蒺藜

苦參

瓜蒌根

防風

各半兩

右為細末每藥末一兩半入輕粉二錢拌勻每大人用一錢淡茶調下空心日午臨卧各一服喫藥後五七日間先於牙齒縫中出夏涎水渾身覺疼痛利下穢惡夏氣為度量小兒大小加減與之

地骨皮散 治骨槽風牙齒宣露腫痒浮動疼痛作時或斷爛生瘡

地骨皮 麥蘗 各壹兩

皂角 半兩

青鹽 壹分

右為細末每服看患人大小用之仍以塩漿水先漱口了搽擦

棗湯 和脾胃

棗 壹斤

甘草 參兩

生薑 伍兩

右三味一處搗爛罨一宿焙乾末之

赴筵散治口瘡

五倍子捌分

黃栢貳錢

蜜陀僧肆分

銅青壹分

右為細末乾摻之

朱砂丹解蠱毒

朱砂壹兩

麝香貳兩

山豆根壹錢生杵

巴豆叁分

雄黃

黃丹

斑猫壹半生壹半熟以糯米炒

苦藥子炒壹半

續隨子

沒藥各壹分

蜈蚣貳个炒壹个

右以糯米元如鷄頭大每服一元用無粉茶下凡中毒者便下藥少時覺心頭拽斷皮條聲即是毒下或從口中出或從下部出嫩即成血老即成蟻蝗螿子帶命之

物因凝血裏出即知當初下者毒物其藥瀉出便以洗
過香湯再度仍以朱砂收之每一元可治男子五人婦
女三人服藥後轉瀉不止白粥止之黃連湯可瀆端午
日或臍日合忌一切穢惡內中毒即服之外中毒則醋
磨塗之如纔覺中毒先喫黑豆覺其味香甜者是中
毒也

雞峯普濟方卷第二十五

鷄羸普濟方卷第二十六

馮翊賈兼重校定

竒疾

項上生瘡如櫻桃大有五色如瘡破即項皮遂斷上連髮卷去下至足脫之乃爲肉人矣初見此瘡治但逐日飲牛乳自消矣

人發寒不止經數日後四肢堅如石以物輕擊之似鐘磬之聲日漸瘦惡治以茱萸木香等分煎湯飲五日可解愈大腸頭出寸餘痛苦直候乾自退落又出名爲截腸病若腸盡乃不治矣但初覺截寸餘治用油壹盞以臀坐之飲大麻子汁數升愈

口鼻中腥臭水流以碗盛之有鐵色蝦魚粳米太走躍不

住以手捉之即化為水此肉壞矣治用任饌食鷄月餘可
補完獲安矣

鼻中毛出一晝夜可長五尺漸漸鹿圓如細繩痛不可忍
雖忍痛摘去一莖即復更生此由食猪羊血過多乃
生治用乳石硃砂各一兩為末以飯元如梧桐子大空心
臨卧各一服水下十粒自然退落

面上及遍身生瘡似猫兒眼有光彩無膿血但痛痒不常飲
身減少久則透腔名曰寒光疾治多喫魚鷄葱韭自愈矣
脇破腸出臭穢多急以油摸腸却送入煎人參枸杞湯淋
之皮自合矣喫羊腎粥十日愈

口鼻氣出盤旋不散疑如蓋黑色過十日則漸漸垂下至

肩背與肉相連堅勝金鐵無由飲食此多因瘧後得也治
煎澤瀉湯日飲三盞連服五日自除耳

婦人月信退出皆為禽獸之狀似來傷人治先將綿塞陰
戶只頓服沒藥一兩餘作元散皆可服即時愈

遍身忽然肉出如錐既痒且痛不能飲食此名血住若不
速治必潰而膿出治以赤皮葱燒灰淋洗喫鼓湯三五盞
自安矣

眉毛搖動目不能視交睫喚之不應但能飲食有經日不
較者治用蒜三兩取汁酒調下立愈

毛竅非時一齊血出不止皮脹膨膨如鼓須臾眼鼻口被
氣脹合此名脉溢治飲生薑水二三盞自安

手十指節斷惟有筋連無節肉出虫如燈心鹿長數尺遍
身綠毛脊多名曰血餘治以茯苓胡黃連煎湯飲兩盞愈
遍身忽皮底混混如波浪之聲痒不可忍抓之肉血出亦
不能解謂之氣奔治以人參苦杖青鹽白朮細辛各一兩
都爲末作一服水二椀煎十數沸去滓飲盡便安

眼白人渾黑見物依舊毛髮直如鐵條雖能飲食不語如
大醉名曰血漬治用五靈脂二錢爲末酒調下立愈

因着灸訖火痂便退落瘡內鮮肉片子飛出如蝶狀騰空去
了手足隨壞痛不可忍是名肉血俱熱治用大黃朴消各
半兩爲末水調下微利即愈

每至臨卧渾身虱出約及五升隨手血肉俱壞每宿漸多

痒痛不可名狀惟喫水卧坐床上晝夜號哭舌尖血出不止牙齒俱黑唇動鼻開治但飲鹽醋湯十數盞即愈眼赤鼻張大喘渾身生班毛髮起如銅鐵盖目中熱毒氣結於下焦治用白礬滑石各一兩為末都作一服水三椀煎至半放冷不住飲盡乃安

有虫如蠨走於皮下作聲如小兒啼為筋肉之化治用雷元雄黃各一兩為末摻在一片猪肉上炙令香熟喫盡自然安

手足甲忽然長倒生刺肉如錐痛不可忍治只任喫葵菜自愈

咽喉間生肉層層相疊五色漸漸腫起不痛多日乃有竅

子臭氣自出遂退飲食治用石楠葉煎湯喫五盞愈
腹脹如鐵石臍中水出變作步闕虫之狀緣身啞啄痒痛
難忍撥掃不盡治用濃煎蒼朮湯浴之別用麝香以水調
服立痊

眼前常見諸般禽虫飛走以手捉之則無有乃肝膽經
為疾治用酸棗仁羌活玄明粉青箱子花各一兩為末每
服二錢水一盞滿煎至七分和滓飲逐日喫三服愈

大腸虫出長百十尺不絕斷之復生行坐不得治服鶴虱
末水調下五錢愈

眼睛垂出至鼻如黑角色痛不可忍或時時大便血出名
曰肝脹治用煎羌活汁服數盞自愈

腹中有物作聲隨人言語不能自言治用板藍汁一盞分

作五服一日間喫盡便安

又見小說名曰應聲
虫當服雷九虫自愈

兩足心以凸如腫上面生黑色豆瘡便似丁子釘着復地
不得脛骨生碎眼子髓流出身發寒顫惟思飲酒此是肝
腎冷熱相攻治用炮川烏頭末傅之前煎服葑子湯一盞愈
凡腹脹經久忽泄瀉數升晝夜不止服藥不驗迺為氣
脫治用益智子煎濃湯服之立愈

四肢節脫但有皮連不能舉動名曰筋解治以酒浸黃蘆

三兩取出焙乾為末每服二錢酒調下每日喫候服盡則安

玉莖硬不痿精流無歇時時如針狀者捏之則脆碎此為

腎滿漏疾治用葑子破故紙各一兩為末每服三錢水一

盡煎至六分每日三次飲之愈即住服

遍身生瘡如橘子大有眉口鼻眼因喫諸般肉菓子乃爲
白人面疾治濃煎貝母湯一椀服只一服愈

有飲油五升以來方始快意長得喫則安不尔則病此是
髮胃被氣血裹了化為虫也治用雄黃半兩爲末水調
服虫自出愈如虫出活得者置於油中逡巡間油自耗矣
久卧於床四肢全不能動只進得飲食惟好大言說喫物
謂之失說物妄漑病治如說食猪肉時便云你喫猪肉一
頓病者聞之即喜遂急致肉令病人見却不與喫比乃失
他物望也當自睡口中涎出便愈

忽氣上喘全不能語口中汁似脂如流吐逆齒皆搖動氣

出轉大則悶絕蘇後復如是名曰傷寒併熱霍亂治用大黃人參末各半兩水參薑煎至壹盞執去滓一服飲盡口内生肉羸臭惡自己惡見有根線長五寸餘如釵股吐毬出以飲食了却吞其線以手輕捏痛徹於心力困不可言治用喫水調麝香壹錢參宿見効

渾身生燎胞大如甘棠梨每一箇破出水內有石一片如指甲面大胞復生抽盡肌肉則不可治急用京三稜蓬莪茂各五兩為末分作三服酒調下服藥盡乃愈

頭面上發熱有光色他人不敢以手近之如火燒人治用蒜汁半兩酒調下吐出如蛇狀遂安

人自覺身形作兩人並卧不別真假不語問亦無對乃是

離魂治用辰砂人參茯苓濃煎湯服之真者氣爽假者
化矣遂如舊

牙齒逐日微長漸漸脹開口難為飲食蓋髓溢所致治只
喫白朮漸漸自除耳

雞峯普濟方卷第二十六

雞峯普濟方卷第二十七

馮翊賈兼重校定

雜記

烏髭鬚復容方

凡人生以血氣為主四十而後血氣漸弱髭鬚斑白凡修
合烏髭鬚藥往往使石灰石榴皮鹿毒諸藥之類使時隔
夜用荷葉包裹次日黃黑不定根白如銀乘其毒藥脆其
髮鬚如此非良法也今收得此藥九要烏髭鬚每用半粳
米大可令左右祇候捻在兩指上撚於髭鬚間立得烏色
澤滋潤不唯此得烏黑百日外白者換黑也

乾蒲

宿江竹

象子

藿香

牡礪

好墨

防風

各壹兩

右先用胡桃五箇去皮搗成膏子然後入杏仁面油稀稠得所入前項藥七味在內搗成膏子入下項藥

麝香 生龍腦 荖陵香末

已上各一錢再搗干餘下作餅子用油紙貼收之

烏鬚藥

新皂角 嫩芭蕉菜

嫩槐枝 生薑

嫩酸石榴皮 並陰乾用

右藥等分同剉碎入坩罐子內鹽泥固濟了不蓋口燒煙盡存性於火內取出罐子別掘地坑子埋罐子一半候一宿出火毒將藥研為末每藥末一兩用鷄骨升麻半兩末同末拌勻每日早晨日午臨卧三度揩牙少時

漱吐之或用細辛亦得其芭蕉葉採時取近心嫩者截了便倒携急繫定截處恐出了津倒懸陰乾

又方 烏髭鬚

南粉

黃丹

各半

朴硝

壹分

風化石灰

半錢
細研

右為細末以造胡餅藥汁調如糊於坩盞中以慢火溫之候稍熟以竹枝子蘸藥於手指甲上試以黑為度塗於白髮上不宜侵肉如一茶間便用溫水洗去所塗以胡桃油搽髮光潤自然如烏羽黑半月之後自鬚根再生依前用藥

又方 烏髭

風化石灰

半斤

黑錫

黃丹

南粉

各貳兩

右用鐵鍋先將石灰熬炒用象子木一枝長一赤五寸
徑一寸者攪燒反四寸次節次用黑錫黃丹南粉同炒
攪及象子木又四寸通燒八寸為度將藥攤冷搗為細
末用藥汁調塗荷葉裹護

又方烏髭

硃砂壹兩

鐵粉肆兩

青胡桃皮

半斤

酸石榴大者壹个

右先將石榴胡桃皮同搗成膏如泥并前藥共盛均罐
子內油單封口馬糞內埋四十九日取出用頭髮刷子
蘸藥須稍刷之次用木梳梳之藥力倒行名四倒梳油

嵌甲方

膽礬各壹分

乳香

各壹分

人剪下指甲

燒存性

乱髮

燒存性

烏魚骨 乾燕脂坯

蜜陀僧 各貳

右將前四味燒存性次入後藥研極細用萹苣菜煮湯
淋脚淨令眼明人剔去脚指甲刺以藥貼上一日夜一
易之

又方

右以訶子麵裹炮去核用皮搗羅為細末乾摻瘡上用
紙裹定不痛自安

又方

鷄屎礬

甘鍋子先燒了
細研坩合子盛

乳香 末

麝香 半分

右三味和勻合子盛貯每用先以唾潤嵌甲腫痛處後
以藥摻其上成乾即剥去如此三次其病已安

又方 治嵌甲亦洗得油污衣上

陳橘皮 不去白

右爛嚼貼甲上乾即換之數次病甲自退

治癭

白礬

乾蝮 等分

右用甘鍋子內炭火煨存性為末每服一字猪或羊膾一枚摻藥在上於脂麻油燈上燎熟臨卧含定嚥津後徐徐細嚼嚥下去枕少時神効

治諸丹流

右以燕子窠故舊者為末以水調塗即安

治節腕脫

右用床米粉木鼈字仁同研為細末以酒熬蘇木汁和成膏塗病處即愈

治因熱取涼睡有蛇入七竅挽之不出者

右取椒七粒破虵尾裹之在內須臾即出

治耳痛通耳

右用曲善一條於帛子上放之次摻縮砂末曲善成水就便裂汁滴耳中痛即止

治中惡欲死者

右嚼大糞甚妙

保命丹

仁宗皇帝賜狄相公征蠻解毒二十四味

滑石 縮砂 青黛 山梔子 白茯苓

草龍膽 寒水石 甘草 管仲 黃芩

乾葛 大豆已上拾貳味 各生用壹兩 益智 地黃生乾者

大黃 山豆根 桔梗 紫河車 馬氣勃

薄荷 黃藥子 粉花 百藥煎

藍根已上拾貳味 各生用半兩

右件各揀擇令潔淨搗羅為末用生蜜和元如鷄頭大青黛為衣每服一元細嚼新水送下大治一切諸毒并瘡疫久年暑積咽喉不測之患常服解化諸毒大効

神効救命丹參拾方四解中毒諸蛇毒蠱毒一切藥毒通療

朱砂壹兩 麝香半兩 雄黃 黃丹各貳分半 巴豆貳分去皮油

班猫式外半去頭足壹半生壹半炒用

蜈蚣式條壹生壹熟

已上七味各細研

苦藥子式外半 山豆根壹兩

續隨子式外半去皮生用

已上三味同搗末

右同再入鉢內勻煞用糯米煮糊為元如十斤魚眼大每粒可救男五婦三大忌酒肉毒物一月惟食菲羹淡飯凡初中毒便令人嚼生黑豆取驗急將藥用真臘茶清下一元須臾患人自覓心頭如斷皮條之聲其毒從目口鼻出或大便下中毒未久即血久即成虫更將藥淨洗收之再用有一切蛇蝎蜈蚣馬汗毒傷以藥點好醋磨汁塗之立解常於端午日修合不及於九月九日

亦得但於靜室中不令人見為妙

又方

豆豉參百粒 巴豆拾肆粒 去皮

百草霜參合釜底黑墨

右豆豉巴豆二件研細入百草霜再細研勻用水滴為元如彈子大一元新汲水磨下若毒在膈即吐在腹即瀉

又方

巴豆去皮心

馬牙硝各肆分

右同熬研極細生蜜為元如彈子大用冷水送下甚捷

又方

常山肆兩

白鹽肆分

右用水一斗漬一宿次日五更令煮取二升分作兩服少時即吐以銅器盛取若青色以杖牽五尺不斷者即毒未盡更二日再依次煮服直候毒尽且慎勿食熱毒之物

又方取多年廁下埽於水中洗過就炎日中暴晒刮取白霜收之用冷水調一錢匕大効人无中毒莫輕与服此藥大寒能解中毒神良

又方取藜蘆生搗汁服數盞大解又用藜蘆煮汁一二升飲之亦解又用藜蘆搗末作散調服亦能單解諸藥毒甚効

又方取甘草剉微火炙熟細爵嚙汁若食中毒藥即吐急

別求方製藥療之古本常囊盛甘草十寸自防

又方取雄雞一隻刀刺冠血用好酒調服如无以雌雞亦

得及用生鴨一隻斷頭瀝血口中咽下即解若口不開

取竹筒灌下甚驗

又方取甘草薤芫荳等分濃煮汁不厭多飲即解

又方

都淋藤拾兩嶺山背
有土人悉知

右用水一斗和酒二升煮取三升分三服飲訖毒藥並

逐小便出須是一月慎食毒物不差更依前服之即愈

又方

黃藤拾兩亦在嶺南皆有
土人悉知得採處

右件依前都淋藤製法

又方 取藍根大豆搗汁和猪血飲之即解未則更服

又方 取乾藍菜搗末調服大解諸毒又用根亦得

解中毒在腹生蠱通療

羶羊皮 方叁寸

藁荷葉 苦參 黃連

當歸 各壹兩

右用水七升煮取二升分作三服訖即吐未差更服

又方

羶羊皮 方叁寸

藁荷葉 肆兩

苦參

黃連

當歸

犀角

升麻 各叁兩

右件細剉以水九升煮取三升分作三服曾与人服即

時吐出蜂蠱數升便愈名曰百解散

又方

雄黃

朱砂

梨蘆各肆分

右件搗末空腹以井花水調服刀圭當下毒蠱吐出

又方

斑猫

壹斤去足翅別研

桃皮

木戟

各壹分

右為細末水和如棗核大以米飲吞下即吐未差候十日更作一服必差

又方

茜根

蘘荷菜根

各式兩

右細剉以水四升煮取二升去滓放溫頓服即好

又方取蚯蚓十四枚以苦酒三升漬死尽服其汁欲死者皆可治

又方取桑木心細剉一斛入釜淹之令上有三寸水煮取二斗澄清再微火煎取五升空腹服五合又用桑白皮咬咀嚙汁須臾吐蠱出自愈

又方取鐵精搗末細研用烏雞肝和之為元如梧桐子大每服三元甚者不過十日輕者即差

又方取鹽一升和淳苦酒作一服即吐立愈又用苦酒煮化鹽服之亦良

又方取猪肝一具和蜜一升共煎之令熟分作二十服為元亦得

又方 取桔梗苗搗汁一二升飲之甚解

又方 取苦瓠或苦葫一枚以水四升煮取一升頓服立愈
即吐又用苦酒一升煮化服之亦驗

又方 取皂夾三銚炙去皮子用酒五升漬一宿去滓分作
三服甚効

又方 取好雄黃一二錢冷水細磨服之大殺腹內百虫毒
藥極良

解中毒諸飲食 菜野芋等物通療

取雞屎燒灰水調服方匕不解更服極良

又方 取蒿根不以多少煮汁一二升飲之即解

又方 取甘草煮汁飲之能解又用藜蘆煮汁亦同

又方

生姜 煇兩

甘草 參兩

右以水六升煎取二升去滓空心作三服併服輕則已重則別療

又方取人屎撓汁一升与飲應解諸藥中毒无有及此者

大抵人意嫌穢不獲已須是用此為最良

解中毒諸魚鱉肉通療

取黃者橘皮濃汁飲之未解更服大効

又方取冬瓜不以多少濃煮汁服之多最良

又方取蘆根剉碎煮取汁飲一二升極妙

解中毒諸禽獸肉通療

取頭垢一錢匕水調服之未差更服

又方取豆豉甘草煎汁數升飲之即解

又方取菲搗汁一二升和水服尽即差

又方取黃蘗搗末水調下未差再服

治傳屍骨蒸勞

取黑錫炒末細研用精肉二兩燒熟空腹蘸藥末二錢早服則晚虫下晚服則明日虫下未下再服

又方取吞水蛭入腹用以牛羊熱血一升飲之次煮猪脂一升飲之立下

治中毒蛇傷等六方

神効祕傳立勝散治中毒蛇傷并蜈蚣蝎蜂蠆
蛇蛛射工沙
虫等通療

川椒

豆豉各拾粒

右二味入口爛嚼吐在手心中次零將天南星末調勻得所塗所傷處手擦微熱自有黃水出尽未差更作此藥救毒神良慎勿輕忽

又方取生薄荷搗汁調白礬末喫餘滓塗去傷處立効如用野薄荷更妙

解中毒蒙昧昏悶不省通療

取甘草不以多少寸坐安乾人糞底以土薄覆却用元糞蓋二經兩後晴取出陰乾為末水調服一二分即省未省更服大妙

又方取乾人糞燒末水調服一二分立解諸毒

又方於地下掘坑深一尺取新井水一斗傾入就攪百轉
候稍澄下連併飲之候吐即解名曰地漿能解衆毒
又方半夏末用一字許吹患人鼻中立効用皂角末亦良

雞峯普濟方卷第二十七